



830205

鐙節盒

武林舊事稱餽歲盤盒酒擔羊腔充斥道路今俗上元前兩日以果殼及鐙圓糖糴相餽遺謂之鐙節盒

姚思勤

裝殼還釘核盒子送家家似仿傳柑例休將畫鴨誇壓肩雙絡索罩面一團花  
果物上安放花紙 繡榻燈屏側分張笑語譁

沈石田盒子會詞東家西家百絡盛裝殼釘核春滿繁歲時記上元夜貴戚例以黃柑相遺謂之傳柑 范石湖詩注吳下上元以紅畫鴨子相遺名曰丹鳧子

新年雜詠

三


豬頭肉

歲終祀神尚豬首至年外猶足充饌范石湖祭竈詞豬頭爛熟雙魚鮮已見於吟詠矣定買豬頭在冬至前選皺紋如壽字者謂之壽字豬頭屠人肩送至門者曰送元寶來於是醃透風乾以備敬神之用

黃模

隔歲留神惠含臆笑背長使君能壽考肉食遂連鄉取作元陽鬻誰誇黑面郎郭公曾薦酒風味紀吾杭

冷齋夜話王中令入一村寺主僧餽蒸豬頭食之甚美僧賦詩曰背長毛短淺含臆久向山中



香雪齋

食藥苗又曰紅鮮雅稱金盤薦軟熟真堪玉筋  
挑清異錄澆店張美手家元日賣元陽鬻  
談藪桂林風俗日食蛙有來仕於中朝者或戲  
之曰圭嶽之奉豈不勝於黑面郎邪黑面郎謂  
豬也郭天錫客杭日  
記寓樓呼酒薦亥首

吳錫麟

鹽深蒸脫骨春肉乍登盤自識糟糠味誰將面目看

紅鮮詩衲味香輒老人餐蓼甲芹芽外從頭議食單

元德明謝張使君餽春肉詩可豬肋厚一尺玉  
鹽花入深蒸脫骨韭芽蓼甲春滿盤走送茅齋  
慰幽獨清異錄陳喬食蒸豚曰

糟糠氏面目殊乖而風味不淺

年饊

元旦必食年饊取吉讖也委巷通衢橫筐出賣

新年雜詠

吉

者什九皆湖墅白蕩垞人

黃模

吉語真堪取當筵喜共邀粉明花截肚春暖玉生臙

憶續銷寒會同成鼓腹謠十年思舊雨題句又今朝

壬午冬丁龍泓先生招同周亦畊何東甫陳  
象昭包采南嚴可亭作年饊詩今十稔矣

陳竹町節節饊詩層累盤孟出青紅點染明希  
高詒吉詠酬節想東京清異錄饊目內花日  
肚花截

花截

糖饊

年饊有青白花三種糖饊只一色如蜜蠟或亦

曰糖年饊武林舊事所載有蒸糖饊生糖饊蜂

糖餅之別

姚思勤

甜味中邊徹迎刀輒玉香真宜稱蜜餌不用蘸糖霜  
往歲聯吟袂春風坐桂堂老人留客意猶記喚廚娘  
壬辰正月十日同黃書厓吳穀人黃玉階倪介亭過  
杭堇浦先生桂堂先生煎糖餅餉客書厓有詩云陌  
巷風和動管絃拍肩同訪桂堂仙春晴五日又五日  
杖履一年強一年起病那須枚叟筆探花擬款祖生  
鞭糖餅留客還堅坐  
多謝廚娘試手煎

元寶餅

亦名粉元寶黃白帚柯傑出於諸色點心中

黃模

新年雜詠

五

蒸出金銀氣登盤粉餌高爛然稱富食屬饜及吾曹  
下筋萬錢直撐腸一味饜劉郎題不得寒儉笑詩豪

武林舊事市食類有金錠裹蒸

吳錫麒

世人皆愛寶名字及餅資口腹奢如此金銀餌豈知  
老饒爭炙熱一飽已傾貲轉笑堆成屋何曾會療飢

清異錄王元寶家嘗疊金銀爲屋

春餅

西湖遊覽志餘正月以春餅爲上供

舒紹言

溪堂煎餅會詩句最生春映字雲翻葉鋪筵月滿輪

賦休誇束皙說欲並吳均節物關情處分餐憶故人

庚寅上元李澄齋招同吳西林先生翟晴江先生  
陳雪廬徐秋竹朱朗齋陳春榆集溪堂賦春餅詩

張功甫賞心樂事  
有人日煎餅會

吳錫麒

金盤香復疊薄與齒牙宜明月忽在手好春味可知

映鏗翻片片屑菜裏絲絲未必輸昭夢紅綾得意時

陳迦陵詞爭覓取金盤敲注立春日啖春餅謂  
之敲春梁諶林詠春餅詩裏成四角矜標格

疊作千層任覆翻徐昭夢詩莫  
欺老缺殘牙齒曾啖紅綾餅飲來

金團

新年雜詠

五

鏤木為範多作團花紋和米粉印之燦然金色

故名金團項霜田詞清茶未烹金團亂吞

吳錫麟

不是月華餅羣誇金作團虹光飛入釜寶氣爛盈盤

印自佳人手豐宜上客餐須知黃白意原以稻梁看

湯團

玉尖春繭形各不同新正概用圓者取團樂也

蔬食譜狀水團曰稭粉包糖香湯浴之

黃模

勻圓搓雪粉舊味問湯官明月眞珠子仙人玉露團

澄沙誰記取濁水試求看早入平原詠家風說幾般

周益公平園續稿元宵煮浮圓子前輩似未曾  
賦此坐閒成四韻今夕知何夕團圓事同湯  
官尋舊味竈婢說新功星燦烏雲裏珠浮濁水  
中歲時編雜詠附此說家風  
澄沙團子見武  
林舊事

鐙圓

小而無鉛有染作青紅色者鐙節所尚諺云上

鐙圓子落鐙餽顧清以鐙圓餉陸太僕有句云

梅欲鬪圓忙著子雪如爭巧故成團可稱工緻

姚思勤

銀匙官樣盞豔說薦鐙圓此夜明華燭誰家盛綺筵

新年雜詠

毛

晶丸雙掬輓珠顆一簞鮮撚出團欒意應推大范篇

潘應奎踏鐙詞風流曾憶廿年前小閣疎簾坐  
亞肩雪色銀匙官樣瓊有人泥我薦鐙圓  
范  
石湖上元節物  
詩撚粉團欒意

燒菜

燒紫芥入甕澆醋亦名芥辣菜呂重實詩瓶中

有醋堪燒菜

吳錫麒

翠釜看新漉醯蔬滋味長都忘烟火意能助齒牙香

風趣宜殘醉清饒索屢嘗別餘辛辣在纖手試廚娘

俗有試試辣  
手段之語

元覽臨安有酸角之醯蔬徐天池菘臺醋詩  
孟公紫菘賽黃獨綠臺大拇抽肥玉一澆一段  
魯微生閉在  
春瓷餽醉人

### 筴笋

名見桐廬縣志佳者曰明笋錢唐縣志云澹乾

者爲玉版笋明笋火笋鹽曝者爲鹽笋並可蔬

食

### 舒紹言

辨色何曾綠淇園署舊銜繡鞵攤闊綽小而佳者玉

版切纖摻澹見枯禪性肥充老守饞阿誰知肉味定

未解韶咸

### 新年雜詠

天

願桐村元旦卽事詩紫茸香可搯玉版菜能珍  
古夫于亭雜錄越中笋脯俗名素火腿食之  
有肉味

### 紅蘿蔔絲

紅蘿蔔多產繭橋鏤絲曝乾可供素饌

### 吳錫麒

已過齧春候鏤絲紅足誇刀頭如剝繭眼底竟生花

眼生蘿蔔花謔語也活色留供饌微香試點茶村人多以此佳  
滄茶供客

人能爛嚼比似唾絨貯

東陽縣志鏤蘿蔔成  
絲乾之四遠通行

### 八寶菜

雜炒菜品糝以芝蔴味殊八珍數溢七寶新正  
點十廟香喫三官素者尚之

姚思勤

七種挑春菜今傳八寶名琳瑯生齒頰駁萃聚盆罍  
潔比伊蒲饌珍同骨董羹隔年留菽乳風味一般清

隔年豆腐除夕  
所儲以備用者

荆楚歲時記人日  
採七種菜作羹

開口橋

置橋枕畔元旦睡覺時食之言決子也

吳錫麒

新年雜詠

无

丹橋將成頌拈來檀口開種因合歡好人恰夢蘭回  
細碎海榴子勻圓豆蔻胎餐香爭道吉笑傍繡衾悵

橘荔

堆盤供神名曰決利或稱吉利西湖遊覽志餘  
云簽柏枝於柿餅以大橘承之謂之百事大吉

舒紹言

磊磊荔偏好殷殷橘尚新堆盤如瑪瑙何氣不金銀  
君子懷應異斯人嗜有因利途難取決一笑聽吾神

柿餅

黃模



誰煎銀作餅觸手柿花香壓匾頰虬卵凍乾冰蜜漿  
體柔生乏骨面冷忽凝霜卻愛成佳讖添妝十八娘

同荔子供  
盤曰利市

### 銀杏

俗名白果鎗宵雜用黃菱紅棗白薺煮以供神  
謂之煮果兒

### 舒紹言

前人詠銀杏曾許伴金桃風味豈能絕品題因以高  
剝欺蓮子嫩煨奪栗魁豪莫倚朱提貴爲君解白袍

楊誠齋銀杏詩深灰淺火略相遭小苦微甘  
韻最高未必雞頭如鴨腳不妨銀杏伴金桃

### 新年雜詠

三

### 風菱

菱有青紅紫三色嫩時剝食皮脆肉美老則殼  
黑而硬墜入水中謂之烏菱冬月取之風乾爲  
果

### 姚思勤

渡頭風急處采采憶盈襜面目爲誰槁心腸到底甜  
一彎藏白嫩雙角褪紅尖欲剖愁無力生來玉指纖

### 糖糴

元宵市食有糖糴蔥管糖見西湖遊覽志餘

### 項朝棻

玉糲真相似餠餠味獨殊卻看頭有角誰要米如珠  
細肯黏瓊粒香疑解綠蒲腹枵君勿哂益智在斯須

蔥管糖

項朝茶

欲笑鰕鬚細還嫌筆竒長今另有筆竒糖取名和事草并作  
十般糖近俗鳴鈺賣肩販擊小鑼羣兒棄果嘗窺來竟誰

似花蜜釀蜂房

鰕鬚糖十般糖見夢梁錄清異錄  
蔥曰和事草注桐元有賣錫鑼詩

甌蘭花

一名報春先一莖一花香甚濃郁賣者以馬頭

新年雜詠

三

竹籃盛之歌叫於市

吳錫麒

密窖蘭纔放筠籠香四生春風小巷曲新歲賣花聲  
綠鬢澹相映美人無限情南朝桃葉去惆悵此芳名

朱鹿田詩風信移番逼小寒賣花聲  
未報甌蘭注吾鄉正月方賣甌蘭

柏子花

柏葉點銅綠紫成小朵曰柏子花刮絨象生日  
長春花染通草作小金錠曰元寶花皆花婆所  
貨爲閨閣新歲助妝亦綵花春勝之遺也

姚思勤

蔥蒨花如葉堆鬢綠半台功夫同點翠

紫花點翠皆節工

名

字愛宜男蘭夢夜來得玉顏春太憨偷將歡鏡照剛

被小姑諳

董斯張除夕詞柏子  
紫花新小姑專學人

長春花

黃模

人勝兼春勝新年健往年戴將雙鬢上開向百花先  
難老應同錫長生鎖自妍願君千萬壽歲歲醉芳筵

酉陽雜俎北齊婦人  
正月進箕帚長生花

吳錫麒

新年雜詠

三

花樣逼真眞風光長此新我懷稱壽意不贈掃眉人  
春色歸雙鬢高堂健老親因知翦綵者亦要比松筠

元寶花

姚思勤

金簇一枝春繁華兩鬢新買他紅粉笑試作探花人  
此貨稱難得拈來應共珍如何蓬巷女顧影自嫌貧

項朝棻

黃金誇得勝白璧買芳年一朵催銀翦雙翹壓翠鈿  
始知春色貴不待露華鮮富豔誰堪匹應安利市錢

過年鞦

西湖遊覽志餘云新正塗澤婦女衣服釵環之屬更造一新皆故都遺俗也顧景文詞云杏子紅裙鵝兒黃袖一尖新窄過年鞦

吳錫麒

料理年頭事花鞦取樣工雙彎履新吉一抄試春紅鏡檻徐行處鏡簾淺立中往時呵凍繡玉指記函函

頂朝茶

鏤金還壓綫弓樣逐年新別有和鞦意能添小步春剪刀纔歇手羅襪未生塵料得迴鐙後纖鬆怕示人

古今注凡娶婦之家先下絲麻鞦一鞦取其和鞦之義李玉溪詩新正未破剪刀閒程箋謂

新年雜詠

三

新正未動剪刀也今尙有此風吳繡谷蓮瓣詞裊裊春雲莫漫鬆迴鐙後帶羅襪寬褪番置

年鼓

自年前送竈後爆竹鑼鼓之聲迤邐催動至獻歲則錦城絲管日紛紛矣其名色有曰元宵鼓曰招財鼓曰雨夾雪曰七五三皆有其聲而無其辭曰十番曰風雪會曰絲絃鑼鼓則有辭矣

吳錫麒

急鼓遞鄰牆兒童共拍張一番金奏合千點柘枝忙巷曲喧如此春風記那廂催花花未醒又聽打漁陽

世說禰衡被魏武請爲鼓吏正月半試  
鼓衡揚袍爲漁陽擘搗淵淵有金石聲

姚思勤

十棒打春圓繁聲破曉傳風雲生指掌兩雪夾絲絃

取鬧真無理逢場又一年上元鑼市近巷陌正喧闐

十棒元宵鼓見竹垞鴛湖樞歌 周心羅年  
鼓詩玉杓初指畫欄東臘鼓喧喧巷陌同

太平簫

製如單管名比洞簫沿街吹賣以供兒戲其類

有竹喇叭

吳錫麟

千門初啟鑰嘹亮送簫聲所得是天籟居然學鳳鳴

新年雜詠

壽

康衢喧穉子風日正晴明吹到春鑼上金鍼繡太平

沈香嚴鑿詞玉翦金  
鍼繡出箇太平天訂

竹喇叭

黃楨

彷彿軍中樂吹來一段春何曾金作口直以竹爲身

字澀難成調風高欲亂眞浪傳生嶮谷惜未遇伶倫

喇叭軍中吹器  
見新書號令篇

爆仗

仗字本武林舊事而府志又作杖其類有單響

雙響遍地錦霸王鞭一本萬利春雷百子名目

不同音響斯別

舒紹言

花爆聒新年嘉名一一傳晴飛遍地錦迅落霸王鞭

山竹五更裂春雷百子連祁門還有術吾愛狀非煙

黃煙兒有色無聲祁門所製

朱鹿田五夜鐙詞霸王鞭走火輪長按霸王鞭又作報旺鞭張漁川有詩 杭堇浦爆仗詩山

竹一聲裂滿庭黃葉飛

吳錫麒

飛響入春風轟然西復東捷於破竹勢散作落花紅

獨鼓重簾外明鐙小市中買來還縮手畢竟讓人工

新年雜詠

三

諺云買了爆仗把別人放

煙火

史記律書天下殷富粟至十餘錢鳴雞吹犬煙

火萬里可謂和樂者乎夫煙火固太平景象也

黃楫

千枝花並照五色氣初生菘攞翻金翅連蜨挂寶瓔

萬人齊喝采一架放春晴最愛文明瑞相逢是太平

有作天下太平四字者

瞿宗吉鐙詞都司煙火揭高竿萬斛珠璣撒玉盤看到頂頭齊喝采紫葡萄上月團圓

花筒

焰硝鐵屑雜置綵筒點放時作蘭蕙梅菊木樨  
水仙之狀閃爍如生亦名爆花

姚思勤

賽花相角勝戲火有梨筒

楊南峯句

是色是空裏非煙非

霧中繽紛千朵白噴薄滿庭紅羯鼓誰家院催來又  
一通

仁和縣志鐘夕多製硝黃合  
爲花筒相對角勝名曰賽花

賽月明

紙筒中置藥丸得火則升數十仞之上鏗前月

下光魄徘徊

新年雜詠

美

黃模

月色何能賽騰空紅一丸萬人回首處三五正團欒  
燭火終然熄金波只自寒若教明又定眞作夜珠看  
流星

九龍取水二龍戲珠白鵝生蛋老鸛彈霞皆流  
星名也又有作金花墜地者則名曰滴滴金

姚思勤

霎爾穹空起春星落萬家雙垂龍取水一道鸛彈霞  
濺瓦金光碎燒雲寶焰奢倚樓人望久趕得月兒斜

流星趕月  
俗諺也

沈香嚴鐙詞響流星跌碎鴛  
鴛瓦火楊梅燒破碧籠紗

### 滴滴金

吳錫麟

熟紅收不得潑眼欲流金  
滴滴落誰手穰穰鬧此心

疊羅休比樣擲地亦成音  
百鍊光芒好披沙何處尋

風俗志元日俗以烏金紙爲飛蛾蛺蝶大如掌  
小如錢呼爲鬧穰穰 廣羣芳譜滴滴金一名

疊羅金

### 鐙棚

坊巷懸鐙以連枝竹縛成洞門  
多處綿亘數里

劉邦彥十三夜鐙詞云千門翠竹結高棚

### 新年雜詠

姚思勤

三

月下綵棚立春宵景最佳  
彎環千个竹輦繡一條街

小院朱扉亞紗籠絳蠟排墮  
釵何處覓扶醉上驕駟

通典宋時上元開端門起山樓列鈞容教坊樂  
及綵棚夾道令都人縱觀 梁鼓林武林踏鐙

詞爭說杭州似汴京翠筠環處結山棚不須好  
事重裝點身在武林鐙市行 沈香嚴鐙詞小

院宜春朱扉亞點點  
琉璃挂屏山六扇斜

### 船鐙

通衢神廟前製造鼇山船鐙  
鼓吹其下聚族觀

聽以爲樂見仁和縣志  
今設城隍廟街者最盛

旌德觀前亦如之



舒紹言

壽酒樂城隍杜工部春鐙畫艦張月波搖錦幔金地轟  
牙檣夜迥千枝照川虛一葦杭人誇供帳美寶氣雜  
珠光

金江聲武林踏鐙詞繡額珠簾夾道周繁華從  
古說杭州星毳萬點銀簫沸金地山前徹夜遊  
注金地山城隍廟街  
爲武林鐙最盛處

行鐙

吳錫麒

小隊東風裏明鐙彩欲流紗籠喬宅眷紅粉鬼胡由  
畫鼓方闌巷珠簾盡上鉤踏歌應逐伴誰更買橋遊

新年雜詠

美

武林舊事舞隊有喬宅眷又云裝宅眷籠鐙前  
引珠翠盛飾呵殿而來卒然遇之不辨真偽  
沈香嚴鐙詞跳一箇鬼胡由紅粉搽不求甚  
解錄周吉甫云余十五歲時同友人元夜看鐙  
漏下三鼓尙立飲虹橋有某太守家婦女約五  
十餘人皆散於橋  
錢一串散於橋  
上日買橋錢

龍鐙

龍鐙之妙在舞遠望蒼螭素虬宛延螻略而至  
少近則雷輶雲擾如洞庭君擘青天飛去鐙品  
中之偉觀也

姚思勤

鐙街人似海天矯燭龍蟠雷駭千聲鼓珠流一顆丹

擘天朱鬢怒照夜火鱗乾銜曜終飛去休同曼衍看

李笠翁龍鐘賦行將飛而上天兮旦宇宙而不夜不則潛而入海兮照水國以奪犀

項朝茶

勝會年年舉青龍光早開龍鐘頭對上寫青龍勝會四字鼇山浮月

出陸地戲珠來電激一條火波翻百面雷回頭笑魚

鼇隨例上燈臺

金江聲武林踏鐘詞畫鼓聲喧百面雷燭龍驚起上春臺游人盡道開光好爭向龍神廟裏來注杭城內外龍鐘必先至吳山龍神廟開光桑磬甫龍鐘渡水歌鼇隨龍渡駕山來鐘海鐘照日光

秧歌

新年雜詠

五

南宋鐘宵舞隊之村田樂也所扮有花和尚花

公子打花鼓拉花姊田公漁婦裝態貨郎雜沓

鐘街以博觀者之笑

項朝茶

插秧時未至先聽踏歌行搗亂細腰鼓唱高豐歲聲

休誇村婦豔解頌長官清譜入香巖曲紅腔綠韻生

周穆門武林踏鐘詞且看鐘前村婦豔插秧先試踏歌聲梁鼓林武林踏鐘詞細腰鼓裏秧歌鬧也解豐年頌縣官沈香嚴鐘詞喧不了唱秧歌鼓亂搗

馬兒鐘

武林舊事元夕舞隊有男女竹馬今謂之跳馬

鐙

黃模

兒童騎竹馬妝點太平春一隊彩旗颯呵來頭踏新  
輕盈紗映燭掩冉影隨身跳碎銅街月霏霏起暗塵

施竹田武林踏鐙詞妝點春風竹馬來 沈香  
嚴鐙詞金盞飄絳蠟香雪修梅花又見些竹馬  
兒童呵頭踏厲樊樹武林踏鐙詞雙柳垂鬢  
竹馬迎映紗籠燭最輕盈兒童也識 熙朝  
盛一色春 旗寫太平

大頭和尚

亦宋時鐙夕舞隊之耍和尚也元人百種曲有  
月明三度臨岐柳事本假託徐天池變其關目

新年雜詠

罕

演作月明度柳翠傳奇今且訛度爲馱兼扮山  
神童子跳舞而來皆戴彩繪假頭故曰大頭和  
尚施愚山鐙夕口號大頭和尚滿街遊

黃模

卽看春柳翠行處月明多笑著袈裟舞輕將嫋娜馱  
頭顱今若此肩背失如何遺事憑誰問空生古井波

城中有柳  
翠井巷

項朝棻

柳衙誰鬧得畢竟是頭陀似此髮常禿分明頂可摩  
誰堪旋面目不解誦波羅梵嫂逢今夕鐙前一笑馱

沈香巖鐙詞少甚麼竹林寺頭陀鬧柳衙  
終南山小妹憑兄嫁梵嫂見清異錄

鐙戲

卽影戲也武林舊事影戲曰繪革社今鄉村新

歲盛行

項朝棊

幾簇鐙毬挂生綃幕戲臺鏡中彩鸞舞月下美人來

里社金錢釀蠶花羯鼓催俗以此戲報賽蠶神馬頭娘流風傳繪

革五賈技交推

翟晴江看影戲詩爭說技高同五賈村梢一夜看場圍注賈震賈堆賈儀賈佑賈偉皆南宋時

善影戲者

新年雜詠

里

走馬鐙

人騎在鐙紗之外上作風輪下連鐵綫火光所

到旋轉如飛挂鐙中之一種也

吳錫麒

轉影風爭快連環騎總輕四躡星火急千里月華明

花看長安陌春歸不夜城翻憐姜白石赤壁憶燒兵

范石湖上元節物詩轉影騎縱橫注馬騎鐙陳迎陵走馬鐙詞些子光陰恰一般星馳颺激

謝宗可走馬鐙詩颺輪擁騎駕炎精飛遠人

間不夜城姜白石觀鐙口號紛紛鐵馬小回

旋幻出曹公大戰年

紗鐙籠

姚思勤

細縷映方空輝輝表裏融一層花隱霧小樣月擊風  
照耀宜春夕提攜便短童笑他圖畫拙消受碧紗籠

王輔文燭籠子賦觀乎表裏無隱方圓可分  
亦猶春晝而花藏蔽霧秋宵而月在羅雲

鐙謎

素鐙四面貼寫詩詞及翦畫物狀藏春走智出

奇無窮好事者懸於簷牙巷角聚人商揣每至

斗轉月斜低回不去

黃模

高揭元宵謎猜鐙入靜坊迷藏如捉影漏洩豈偷光

新年雜詠

星

類把行人戲偏誇夾路香啞辭難打破欲覓定齋商

董志林元夕詞珠箔誰家高揭起元宵謎  
林舊事以綃鐙翦寫詩詞及舊京諠語戲弄  
人陳迎陵元夜詞更夾路香謎憑人打  
香嚴鐙詞打不破村學究鐙詞啞都城紀勝  
來客念隱語說謎名打謎夢梁錄商謎者先  
以鼓兒和之然後聚人猜詩謎字謎戾謎社謎  
杭之猜謎者有  
歸和尚馬定齋

面鬼

漢書曰象人又曰假面宋時通呼為面具蓋古  
者行儼所用周禮之黃金四目卽此物也

黃模

此物奚宜至搽珠抹粉成將何施面目轉訝近人情

一半頭銜用幾重顏甲生將軍能破敵戴出鬼神驚

畢將軍再遇臨陣戴鐵面具見四朝聞見錄西  
史載狄武襄戴銅面具又在畢之前矣又朱伺  
戴鐵面  
見晉書

項朝菜

面目真有靦吾陳小雅詩豈知塗附者亦有厚顏時

菱鏡何堪照梨園定不嗤若將盧相演笑走郭家姬

揚鐵崖樂府藍面鬼陰且秣郭家姬羣走避  
韓門綴學假面又曰戲面古之假面有銅鐵木  
三者今  
用紙糊

竹龍

吳錫麟

新年雜詠

望

豈是葛陂化金鱗閃幾重笑他騎竹馬又欲舞仙筇  
赤手一羣捕青雲何日從葉公能好此宛轉歎猶龍

吹雞

揭竿縛草以處雞羣口銜箚管巡街吹賣其音  
曰哺哺故名哺哺雞亦名叫雞兒胡情田東  
園竹枝詞新年無事買吹雞更有高擎數串魚  
巷腦蒼頭都轉到今朝除本幾文餘數串魚者  
趕魚兒也

吳錫麒

曉日一雞唱春風正滿閭居然生羽翼大要借吹噓

功豈養成候聲疑伏卵餘兒童能起舞壯志定何如  
姚思勤

大得吹噓力驚人在一鳴齒牙原可借毛羽未全成  
齷齷連棲狀膠膠滿市聲莫來雞口笑齊客擅雄名

趕魚兒

魚一金一銀穿馬鬃上張小竹弓顛之倒之往  
來相逐賣唱曰金魚兒趕銀魚兒買一串送一  
串蓋卽夢梁錄所載小兒耍家物件滴鐵而成  
者

姚思勤

新年雜詠

四

瞥眼金梭擲銀刀遞接聯那知同隊樂枉被一絲牽  
結網誰興羨銜鉤亦可憐回頭看風鶴曳曳上青天  
風箏亦  
有趕鶴

風箏

紙鳶之能鳴者事物紀原曰其製不一上可懸  
鏡又以竹爲弦吹之有聲如箏故曰風箏今亦  
名琴鶴春初競放清明後乃止諺云正月鶴二  
月鶴三月放个斷綫鶴則風氣固殊焉

項朝棻

幾處鳴箏急春風滿近郊送高飛鳥外彈入碧雲坳

得勢可長往失聲終一拋偏頭雖善放何以免人嘲

武林舊事呂偏頭善放風箏

鐙鷄

姚思勤

毛羽光輝甚憑空一綫通赤烏流屋上丹鵲繞雲中

灼灼梨花放騰騰月彩烘高飛休自炫怕有電鐙風

陳迦陵春城望紙鸞詞急景難淹又天半夜鐙初上見火蛾旋繞飛下雪梨十丈注風箏每夜必緝鐙火并於其上高放梨花雪爆電鐙風見金介山詩注電音環去聲吾鄉土字也

鞦韆子

布裹一錢上綴雞翎以足踢之帝京景物略載

新年雜詠

聖

童謠楊柳兒死踢鞦韆子吳任臣字彙補據謠收

鞦韆字注云音建拋足之戲也而武林舊事小經

紀有鞦韆子其字从革

姚思勤

一闌街塵起提鞋喜欲頭有人誇捷足此戲等拋錢

翠羽翻空疾金絨鞦韆地圓女郎羞角技扶索上鞦韆

陳迦陵戲詠聞人踢鞦韆子詞向花冠尾畔翦他翠羽養娘篋底檢出來提裹用綉輕製同毬轉鞦盡牆陰一綫兒周心羅鞦韆子詩樂事渾疑蹴鞠同輕驅端自愛翻風纔量襪綫縫剛就小綴金絨態便工妝閣鞦錢邀靜女鬪場飛羽逐游童年來腰腳輸疆健踔跳隨人技易窮

相思版



紙疊花版顛倒可翻亦名翻勝

吳錫麒

花版說相思相思無了時心靈通寸寸腸轉惹絲絲  
明月十分好春風一掬癡倚闌翻不迭未遣侍兒知

項朝棻

兒童掌上玩亦解說相思反側真何益牽連卻爲誰  
歡情留寸紙別恨又經時回首看紅豆春來發滿枝

春毬

灰水煎松香令沸紮小篋圈蘸之向空一繞大  
小錯落隨風蕩漾有頃方滅在園雜志所載最

新年雜詠

吳

詳

黃模

泡影本空空勻圓訝許同一揮成五色歷亂滾春風  
咳唾從天落珠璣觸手工誰將毬仗比寒食洛橋東

吳錫麒

吹水旂成色輕毬比不殊雲花飛一串風力攪千珠  
過眼影何幻承裾春欲無不知周昉在彩筆可能圖

吳錫麟

彷彿毬門戲迎眸五色鮮亂隨風勢捲橫灑唾花圓  
魚沫紛升降鮫珠散後先影空空卽影待證小乘禪

東京夢華錄左右軍築柱殿前  
立毬門約高三丈許雜綵結絡

哈哈笑

鐵滴小器黃白燦然名十樣景賣唱云哈哈笑  
一个青錢一大包買得者哈哈笑買不著雙腳

跳

吳錫麟

瑣瑣供兒戲包來十樣新亂攬金錫碎巧弄齒牙春  
絕倒王平子胡盧宋主人有錢難買笑頓足轉生瞋

清異錄農師德善捧腹  
大笑人謂之齒牙春色

說書

新年雜詠

畧

演說史書本留都遺習今俗於年前選市分場  
貼報紙曰新正某日於某處開講某書請諸公  
早降開春聚聽如堵凡彈詞唱蓮花落說花開  
者亦然

黃模

劍戟颯浮空風雲談笑中搖頭類優孟抵掌現英雄  
委巷從教塞書生孰最工請看新報紙早降幸諸公

黃梨洲柳敬亭傳或如刀劍鐵騎颯然浮  
空武林舊事演史者有穆書生武書生

吳錫麒

爲說千秋事都憑摹寫工指揮矜大樣口角有雄風

書販碑官外春驚醒木中柳生餘韻在佳傳問梅翁

柳敬亭拍醒木說書見桃花扇傳奇 吳梅村柳敬亭傳江湖間張樵陳思吳逸各名其家柳能著

生獨

鬪牌

牌自宣和以來為戲舊矣田叔禾云月正有鬪

九翻牌之樂張山來云牙牌之戲閨閣為多

吳錫麒

翻翻三十二一笑攏成場點亦分文武人能話短長

只須爭大吉最後打丁六勝者謂之大吉恰好打雙張別愛攏和

處春蔥歷亂忙

新年雜詠

吳

金金門牙牌詩數依九九貴陽開巧截牙籤方寸纔小技偶然誇一得大名竟爾配三才間窗

翻覆勞纖手玉几平鋪淨點埃欲透箇中微妙旨陰謀須讀短長來 談書錄天九之戲見於

明播之恒續葉子譜

陞官圖

一官兩建擲用二骰以色遷位立法簡易非如

功名爵位圖之煩重也孔清江有選官圖長律

吳錫麒

小繪衣冠隊升階文武同周遭成宦跡呼喝任兒童

捷徑三遷裏可以三擲取勝官情一紙中清江有題句識取

畫圖中

汪桐石元日俳語擾擾兒童  
更何事骰盆爭喝選官圖

姚思勤

彩選翻新格官儀盛建幢

亦名選遙旗

局甯終五五班自

點雙雙好手矜先得名心熱肯降贏輸此一論梅影  
過晴窗

錢唐沈時公獮雅好古藏有漢官儀新格一書  
劉敞自跋以為幼年時所為仲原父為之序其  
戲先置盆入金以象口錢舉二十五擲乃終一  
局見杭堇浦題跋蔣春雨選官圖詩近來那  
便名心澹眼亂官階黜陟書  
厲樊榭詞選官圖外論贏輸

吳錫麟

紙上功名滿相看欲認真宦途羣起馬資格慣拘人

新年雜詠

吳

豈把年庚試空投穴幣頻曾傳仙與佛彩選亦紛綸

錢椒巖選官圖詩紙上功名亦可呼陸放翁  
詩注鄉俗咸朝聚博謂之試年庚房千里骰  
子選格序開成三年春余自海上北徙舟行次  
洞庭之陽繫船野浦下遇二三子號進士者以  
穴骰雙雙為戲更投局久不以數多少為進身職  
官之差筆叢彩選格久有據房序絕類近  
今陞官圖湘煙錄鄭氏書目有骰子選格二  
卷漢官儀彩選三卷新彩選一卷文武彩選三  
格一卷選佛圖一卷慶厯新選官圖一卷選之  
百官鐸相傳此圖乃倪鴻寶所作其  
實官名雖從時而圖戲則自唐已有

陞仙圖

集古仙人作圖為戲用骰子比色先為散仙次

升上洞以漸而至蓬萊大羅則眾仙慶賀比色

時首重緝四爲德次六與三爲才又次五與二  
爲功最下者么則謂之過凡有過者謫作採樵  
思凡之類遇德復位

姚思勤

紙上聚羣仙圖中別有天如何才德備猶被利名牽  
得采方爲貴飛瓊欲占先阿誰輪玉筍爭寬到盆錢

貴采見騁蒲經蘇東坡詠選仙圖詞整金杯  
輪玉筍鳳駕鸞車誰敢爭先進重五休言陞最  
緊縱有碧油到了輪堂印王珪宮詞盡日間  
窗賭選仙小娃爭覓到盆錢上籌須占蓬萊島  
一擲乘鸞出洞天天香樓偶得到  
盆錢卽如陞官圖戲見面錢之類

百花圖

新年雜詠

五

集百花名擲用三子四爲四季長春五爲色么  
爲香二爲風三爲雨六爲護花寶帳有大賀例  
嘉例賀例倍例買法罰規同里陳百藥增益其  
製爲之繡梓焉

舒紹言

錦字暗藏嬌圍紅擲六么人情如粉蝶花底度春宵  
風雨何能妒臙脂不用描妝臺餘雅興九九數寒消

百花圖本賦桃符換葦索懸深閨盡質金屋嬋  
娟觀鏡多暇翦綵還間絳帷春捲銀燭夜然素  
手玉潔瓊瑜血鮮三三五五珠鏡翠連笑倚花  
几競賭金錢帝京景物略曰冬至畫素梅一  
枝爲瓣八十有一日染一瓣盡而  
九九出則春深矣曰九九消寒圖

狀元籌

緋綠兼行贏輸計箸闔閣中為消閒之戲

黃模

笑拂骰盤起掄元握掌同幾人前箸借一色杏花紅

彩局春風會明鑿繡閣中玉纖能坐點何事喝劉公

南宋有狀元局見蘆浦筆記 彩局兒見清異錄 閱亦降詩醉倚梅花水外樓玉纖抽得狀

元籌

吳錫麒

帷幄籌能運掄元更奪魁目甯迷五色巧欲服羣才

狀元以合巧得 矯首青雲路何人得意回誰知益盎

新年雜詠

至

裏平地一聲雷

姚思勤

點點明瓊響春紅報狀頭科名書竹策枚卜用金甌

五色雲真現一枝桂早稠探花筵上坐占盡是風流

元遺山探花詞六十八人中 數少年風流誰占探花筵

項朝棻

妙有掄才意團欒坐綺筵同聲惟六子對策想三千

玉筍班齊點春風捷又聯錦標真奪得高步冠羣仙

金金門狀元籌詩出身須是狀頭為誰寫科名 上竹枝六子紛投當令節一鳴先兆快書癡臬

盧繞席呼劉裕仙桂芳年詠牧之十 指淋漓渾易事笑他矮屋費清思

更唱迭和附錄

時憲書

閔華

字廉風一字蓮峯  
又號玉井江都人

一歲又將除

天家頒鳳書更新知律轉置閏識歸餘北地寒生早  
東方日出初所欣添甲子野老樂何如

倪經培

字右觀一字  
竹安仁和人

頌朔欽

王制宣書出玉墀春開一卷首事合萬方宜綠字朱  
文裏五風十雨時循環看甲子人壽邁期頤

新年雜詠

至

毛西河十月朔午門頰麻侍班恭賦疊冊裝  
麗關車覆裕黃背封箱押小面記印泥方殿上  
呼三壽階前奏八瓊五官陳夏令百辟奉春王  
數合軒轅記班隨星宿行授書馳赤縣開卷遇  
青陽鄭荔鄉憲書詩正朔紫宸頌元會斗柄  
建鳳紀揭新編卽事期如願又云官紙印朱文  
爛若火齊噴問名冠  
以黃系豈汝南憲

春牛圖

孫溥

字邠原一字  
梅軒錢唐人

牛自姬公制圖依向孟傳敢陳時憲左喜在策人前  
日腳挨排數農情旦晚牽扶犁方有事春色滿新田

事物紀原周公始制立春土牛向孟土牛經  
釋策人所立曰凡春在歲首則人在牛後若春  
在歲後則人在牛前春與歲齊則人牛並立按  
策人卽芒神事物原始出土牛以示農耕之

早晚

迎神

倪經培

歲神能錫福敬返在元辰曉色催前騎東風逐後塵  
燭花隨意發椒酒滿杯春自此承靈祐門闌喜氣新

喜神

張寶銘 字華農一字  
牀山華亭人

南北東西客由來無定踪今晨須點檢莫自浪追從  
但得咸宜往都無不若逢披圖頻算喜何處喜重重

代圖

新年雜詠

五

孫溥

阿堵傳神妙遙遙見典型春風開萬戶幾代照丹青  
笑語兒孫聚高曾俎豆馨拜容勞戚黨冠履早盈庭

至親相賀先拜祖  
容謂之拜容兒

接竈

□□

七日占來復 年前送竈  
多在廿四焚香剋晷迎暖光生曲突甜

味簇春餚俗競論年紀 俗傳接得早竈君年紀  
小接得遲竈君年紀老誰憑

問姓名翻憐一杯水同表在山清 接時供淨水  
於竈山上

宋竹垞醉司命辭鍊香以燒翦紙而焚錫餅粉  
荔雜選上陳酉陽雜俎竈神名隗狀如美女



又姓張名單字子敦夫人字卿忌有六女皆名察洽一曰竈神名壤子也

孫濟字青巖一字蘆唐人錢唐人

夏祀人寧媚春迎禮必恭元辰齊拜手老婦若爲容

鐙火明硯突瓶盆列餽雍網縑玉池畔彷彿紫官從

禮記夫饗者老婦之祭盛於盆尊於瓶 祭饗 饗雍饗見儀禮 諸舉記竈神以己丑日出 卯時上天禺中下行署此日祭得福其屬神有 天帝嬌孫天帝大夫天帝都尉天帝長兄剛上 童子突上紫官君太 和君玉池夫人等

門簿

姚思璋字瑞徵一字秋礪仁和人

奔走眞如織塗東又抹西金蘭從簿點凡鳥到門題

新年雜詠

畜

家有一編置名應千佛齊亦謂之題名錄還看飛帖在彩筆

未曾提

良齋雜記拜年無論識與不識望門投帖賓主 不相見登簿而已答拜者亦如之一月中走奔 如織甚或有帖到而人不到 者宋時已然詳見癸辛雜識

拜年

孫溥

絨帽四鄉鮮田家重拜年老翁扶竹杖中婦潔盤筵

打酒鄰牆近看賓稚子顛團欒坐情話禮數愛周全

金介山詩要知隔歲田畝熟只看四鄉絨帽鮮 注鄉人過年獨易新帽 陳白沙詩合是田家 愛元日白頭拄杖拜人門又鄰牆打酒娛賓客 稚子齊歌樂歲詩 趙松雪詩田家重元日置

酒會鄰里小大易新衣相戒未問起老翁已年  
邁含笑弄孫子老嫗惠且慈白髮被兩耳杯盤  
田羅列飲食致甘旨相呼團樂坐聊慰衰莫齒  
且磽藉人力糞壤要鋤理新歲不敢閒農事自  
始茲

門神

倪經培

左右分丞尉班行文武同爵封萬戶外秩滿一年中  
風日容顏改勳名閱閱崇休嫌依宇下步步欲凌空

程瑄字寶擊一少海仁和人

片紙功名薄登龍不作寶朱門元日鬧繡服一年新  
立腳羞隨地忘言慣傲人欲留眞面目其奈惹風塵

新年雜詠

姜

張劭門神詩功名片紙笑空虛

孫濟

高明誰許瞰門戶早兼司劍佩矜春色衣冠嚇市兒  
將迎常好在暮夜豈無知陌巷鐙宵近何人作豆糜

章豈積戲題門神文無端色相著舊日之衣冠  
有甚因緣傍新年之夜戶與宜春而俱換歲暮  
方歸待報曉以初開夜終不散冷眼看熟客  
往還好在將迎尊官卸似閒人左右虛勞忙立  
又云翟羅似我今朝幾箇來邪鄭市有人暮夜  
得誰知者荆楚歲時記正月望日作豆糜以  
祀門戶先以柳枝插門隨枝所  
指以酒脯及豆粥插箸而祭

春聯

孫澡字潔輝一船錢唐人

並寫宜春帖朱屏藻翰揚一聯傳繡句到處重書香  
華胃何妨遠居鄰幸接芳不緣題柱客已覺有輝光

吳孟舉春聯詩免園本家漸無奇不用冬烘費  
巧思除卻宜春方勝樣家傳寫盛唐詩  
文莊和趙意林屬書柱聯詩殘臘凶凶罷出王  
間庭伴我數竿蒼龍賤待寫新年帖馬齒增慙  
白髮郎七字瑤華當潤筆十分春色早充堂自  
惟題柱名難稱翰散初心竊未忘趙意林謝  
梁少師集唐句題柱  
詩輝光集古贈冬堂

天花

汪大綬字即年一字芳樹秀水人

根向佛門栽花煩法鼓催飄空疑散落微笑欲拈來  
添得香林色連將貝葉開儻教金布地願建雨花臺

新年雜詠

五

掛錢

姚思璋

翦鏤工夫細花錢樣幾般高能壓春勝假亦買歡顏  
積玉堆金意雕梁畫棟閒紅牋書福字掩映更嫵爛

武林舊事小經記有翦鏤花樣  
立春日士大夫家翦春雙春錢春勝以為戲  
樊樹詩引汪為山贈子壓勝錢拓本文曰金玉  
滿堂閔亦峰詩人家共許旋新運福字通紅  
門貼徧

圓鑪

倪經培

一架深廳置光輝照綺筵不因中為熱何取外能圓

鴿炭生紅暈松枝結綠煙頃時分冷暖祇在落鐙前

程瑄

頓覺寒威減金鑪燦炭時煖煙生柏葉春色上松枝  
日月雙丸合珊瑚一架支中庭多赫奕莫道附炎癡

善富鐙

倪經培

竹有平安意鐙從臘月張願令君子富不作女兒箱  
膏膩蔥根白煙分柏子香俗以蔥根柏子結束  
鐙上意取百事從容錦衾

蘭夢好一點洩春光

歲燭

新年雜詠

碧

倪經培

分歲筵前燭雙枝分外紅幾人看曙色偏自怯春風  
花發寒初退煙深春漸融流光好相惜欲倩碧紗籠

王次回殘歲卽事詩紗籠椽燭燄如幢火齊呈  
花喜一雙爲惜輕風吹燼落曉妝成後未開窗

汪大綸字學年一字  
橋田秀水人

把燭同迎歲蘭房景最新雙輝題日月燭上貼金字  
有日月同輝  
松柏長  
春等語半炬刻冬春翠柏還留識上簽柏枝  
以取吉銅何竟

達晨花開無限喜喜祝案前人

孫溥

待曉堂前拜搖紅坐燭房結花頻送喜流瀟亦生香

更漏珊珊盡春輝寸寸長窗紗明透處晃眼接初陽

新年酒

倪印元 字首善一字介亭又字小迂仁和人

五岳詩人在春風拜草堂醇醪留客醉老健與年長

把瓊梅花笑登盤菜甲香酒酣還起舞樂此歲豐穰

桑叟甫先生自奉甚啻客至未嘗開飲惟新年共二三心賞陳辛盤鮮鮭笑談竟夕不倦有元夕讌集詩云承平風物喧簫鼓鼇山駕海攢千炬香車寶馬溢通衢月色團團猶未午閉門泥飲勝傳柑爆竹甯聞響鄰戶百年良夕幾盞簪爛醉何妨橫枕股諸君更盡金屈厄老狂起為如意舞誰聲豪氣積雪融萬朵紅梅綻庭塢

孫濟

新年雜詠

爰

一杯新歲酒 自香山守杭時句也 五字白公吟杭俗堪稽古唐

風直至今娛賓還秩秩餞臘去駸駸更理閒絲竹鋪

筵醉月陰

果子茶

孫潔

果釘新年供偏宜蠨眼湯匙翻杯底核茶失籠中香

略辨酸甜味休分品第嘗誰誇三昧手繡出自蘭房

煖鍋

黃杓 字星橋一字山外山中客錢唐人

鑪盆任名稱當筵氣自蒸嘉賓方式燕僕者豈先憎

此腹果空洞過時拋冷冰因聲絨扇女羹沸亦宜懲

野談煖飮食具謂之僕僧雜投食物於一小釜中鐘而烹之亦名邊鐘亦名煖鍋圍坐共食不復置几案甚便於冬日小集而甚不便於僕者之竊食宜僕者之憎之也周少穆煖盃聯句

年餅

孫濟

糗粒充筐篚賓筵餉月正勸嘗新歲味足饜好高情  
薄切投湯沸叩烘候火生阿誰添角黍便欲掇科名

俗以餅佐饌取高中之意

丁龍泓年謠詩糗粒人情筐篚健桃符物候開闕新

新年雜詠

堯

春餅

孫溥

說餅逢燈市重羅屑早和光鋪雲片薄味裏蜜筒多  
醉月邀詞客煎香候鼎娥敲春題句在映字一高歌

外剪程柯坪先生詠春餅有敲春試聽鳳簫飴之句

唐樊榭春餅詩笥底禁風卷燈前映字看

湯團

姚思璋

細杵桃花米堆盤不厭多一篩飛玉屑千顆耀銀窩  
軟愛香餠裹圓宜纖手搓元宵同慶賀譜入太平歌

金赤泉湯團詩一飾吳米愛腰長細杵俄成玉  
屑香滴粉丸欺鳳卵堆盤顆顆耀銀光春筵  
織手接搓慣夜市紅燈慶賞忙記取上元風味  
好顏其門曰慶賞元宵符藥林詩桂花香餠  
裹胡桃江米如珠井水淘見說馬家滴粉好試  
鏡風裏  
賈元宵

燈圓

程瑄

巷口人初賣晶丸萬顆映茜藍工點染錯落滿盤盂

銀燭開筵半霜糖引箸需何人頻咳唾誤認席閒珠

閑亦峰詩風吹簫鼓鬧喧闌雪點江南正月天  
轉過板橋西巷口人家都賣落鏡圓 吳匏庵  
粉丸詩既飽有人頻咳  
唾席閒往往落珠幾

新年雜詠

卒

開口橘

張寶鎔

枕畔宜朱橘侵晨到口甘未曾逢八叟端合兆多男  
繡被懷原穩妝臺頌尙堪手香新有喜勝劈洞庭柑

孫濟

消白內含精文章外夙成應須探龍頷何用憶仙杵

星髓懷中落甜頭舌上生鄉人除夕甘蔗拄房門阿  
元旦取食謂之得甜頭

誰誇利齒膈脯核桃聲

汪乾若有棗橘羌桃龍眠荔枝柿餅荔枝八  
詠自序云吳興風俗除夕置果枕畔爲新歲休  
徵戲 八章亦效故翁食栗思焚諸絕意也其  
詠橘云只恐割開驚象戲夜深無處著棊枰詠

羌桃云夢回膈膊休相  
詞未減童心齒當敲

甌蘭花

□□

第一香誰占唐花藝馬膾販春來北郭唱曉徧西陵  
竹葉翠宜酒梅枝寒耐冰歲朝圖裏見添得素心朋

松竹梅歲寒三友也新正以紅梅椿  
天竹子黃山松供盆景謂之歲朝圖

馬膾唐花見癸辛雜識  
花販唱賣見虎林雜記

項朝藥字壽之一字  
秋吟仁和人

翠羽閒明璫搔頭玉更長美人原產越公子豈遊湘  
綠鬢同心結春風一國香不須嘲入市時世愛新妝

新年雜詠

空

伯父蘿谿先生有贈賣甌蘭花者兩絕云一縮筠藍  
翠幾叢玉蜻蛚泊曉春風應憐空谷無人賞故遣招  
搖入市中芳名早喜播年朝深巷聽來韻  
最嬌賣徧春風香一國王人頭上卸輕貂

長春花

程琯

柏葉襯香絨長生兩鬢中不愁風雨妒幾費翦裁工  
春比去年好花應千日紅穠桃開易落多事怨天公

辛棄疾元日詞誰向椒盤簪  
綵勝整整韶華爭上春風鬢

元寶花

姚思璋

翦綵愛成寶圖花新出林誰其百朋錫報以雙南金



春色本無價美人占盡簪因之祝富貴同把香蕪吟

年鼓

孫溥

春臺人共樂搗鼓送寒歸起霸先三搗催花鬧四圍

柳梅紛弄色鐙月況交輝鐙月交輝元宵鼓之一種誰見搯紅袖

丁東白雨飛

項蘊谿年鼓詩搗動春風先起霸點成白雨忽收雷陳迎陵春夜聽鄰聞擊鼓詞落鐙風幾

陣催人搯袂琅然響釵應掉

太平簫

倪經培

新年雜詠

奎

遠近簫聲起卿雲映日新裁成斑竹管吹出太平春

未解芳心事誰為跨鳳人但教鳴

盛世如聽奏韶鈞

姜白石詞芳心事簫聲裏

爆仗

趙銘字右書又字月波仁和人

結束身材小層層裏彩牋一聲飛霹靂滿地踏金錢  
碧玉竿齊碎丹砂塊復燃連朝聽不厭喜是報豐年

黎涪爆竹詩自憐結束小身材一點芳心未肯  
友時節到來寒焰發萬人頭上一聲雷武進  
縣志元旦威戶放爆仗三聲尚金錢為兆蓋置  
五色紙錢於爆中發之謂之滿地踏金錢

山志張丞相浚為帥日除夕莆人鄭樵容郡中  
與觀火爆丞相命賦詩給竿字為韻樵口古云  
駒隙光陰歲已殘千門竹爆競團樂燒成焰焰  
丹砂塊碎盡琅琅碧玉竿喚轉韶光新景煥辟  
除惡魅舊時寒主人從此  
古佳瑞再入為霖灑旱乾

煙火

孫濟

芙蓉開月下樓閣現雲端碧水一珠墮金龍五采蟠  
爛然春滿架奇絕景多般貪看人工巧渾忘夜色寒

張時微看煙火詩寶塔峻跨紫峰青天削出  
金芙蓉瞿宗吉煙火戲詩天花無數月中開  
五色祥雲繞絳臺猶圍萬屏乙酉春陳旃在  
孟河口看放煙火其所構架悉用檣竿初點藥  
纒徐吐出金菊芙蓉四季百花吐畢復放小細  
爆及流星賽月明之屬俄而現樓閣亭臺之狀

新年雜詠

奎

掛下大珠簾有兩人捲起次第放出戲劇勢皆  
如生看至夜半呈技將畢發露一燈忽墮一  
大珠於水面躍出五采金龍追逐此珠掠波而  
去鱗甲燦然於是威駭其神自有火樹銀花以  
來無此麗也

龍鏡

汪大綸

鱗甲倏噴火飛騰照夜分市聲沸似海人影從如雲  
星月爛交射魚鰕導一羣何時傾馬鬣點滴霑鋤芸

桑坡甫龍鏡歌願得十兩  
五風調龍神甘澤灑瀟瀟

大頭和尚

黃杓

鼓欵擁嬋娟遊春啞戲傳舞而脫離和尙氣參出老不歌

婆禪面目迷藏裏機鋒捉搦邊團團成一笑行腳又

翩然

建甯縣志市井子弟搬弄遊春戲

鐙戲

孫溥

羊皮宜夜戲鏃影出鐙場扶杖觀村叟橫戈跳霸王  
紛如春夢幻巧比木人疆上下渾由手誰誇腳色忙

武林舊事羊皮鐙鏃鏃精巧五色妝染如影戲之法又小經記有鏃影戲瞿宗吉鐙詞南瓦新開影戲場滿堂明燭照興亡看看弄到烏江渡猶把英雄說霸王又影戲詩鐙火光中夜漏

新年雜詠

齋

遲風輪旋轉競奔馳過來有蹟人爭覩散去無聲鬼不知月地花階頻出沒雲窗霧閣暫追隨一場變幻如春夢綫索重看傀儡嬉

走馬鐙

倪經培

兒女宵燃蠟將軍夜斫營煙飛人影暗風入馬蹏輕  
儘有騰空勢誰含戍遠情樓臺歌吹靜爲報已銷兵

孫濟

夜行偏似晝一騎繞東西明月隨人影春風送馬蹏  
前程能屢轉覺路總無迷還愛兒童戲跳鐙鬧鼓聲

面鬼

程瑄

脂粉何嫌汚無端作態工長韜三寸舌難翦一雙瞳  
賣笑顏偏厚藏羞面可蒙莫嫌真意少色相本來空

鄭荔鄉鬼臉詩何來載一車盈川簿可點將無  
咒出柙老旭便恐成夢麗作劇少年場院落敷  
詭但嚇兒啼便恐成夢麗作劇少年場院落敷  
文簞稍疑參軍鵲金鼓鳴以漸似欲瞰高明趨  
捷矜走險藍面掀青唇亦有膳脂染厥角鬢鬢  
然怒目出啖閃人言鬼可憎突如望之儼故鬼  
更徵人襟裾亦塵忝顏甲數十重奴輩爾何諂  
牀第伏夜叉豈不芙蓉臉妖孽由人興相取緣  
氣焰不見了不  
聞庶幾跡都斂

趕魚兒

趙銘

新年雜詠

奎

慣與金銀逐南屏鯽可如宛然春得水安見子非魚  
曉日擎竿出兒童適市初取錢還倍送活計本多餘

錢唐門外多蓄養金魚入城貨  
賣名為魚兒活見咸洎臨安志

韃子

倪印元

不須攜馬上小立便成圍鬢角錢花插承以兩鬢謂  
之左右插花

鞋尖鳳羽飛回身低簾影兩手互摳衣傍晚門牆踢

闍人莫漫揮兒童踢韃多在  
人家門樓下

釋文馬上曰  
韃韃建也

高虞文字賓來一  
半農仁和人

小插金雞尾鞋帮踢最便春風先送喜

俗送婿家催生禮盒綴以

鞭子云見子也稚子況能顛眼疾從人巧趾高謂我儂輕狂

直如許繫得幾多錢

### 相思板

倪經培

寸紙情深處相思孰與論幾多心裏事不迭手中翻  
別有連環意常懷一捻痕高樓愁入眼鴛鴦又黃昏

姚思璋

相思果何物畫板遞催來試手肱三折移時腸九迴  
情長嫌紙短易合怕輕開小鳥知人意飛飛傍鏡臺

### 新年雜詠

奕

鳥有名相思者

哈哈笑

倪經培

笑口開何易街頭聽好音青黃纔入眼歡喜已生心  
齒且從人冷情惟與物深女郎如解意便欲埒千金

### 說書

孫濟

戲社傳雄辯分場說四家胸中有銀字舌上開蓮花

黑子派誰衍韓生名其誇茶筵邀利市又聽響箏琶

擇吉開市俗用歌師酬神謂之祝獻又曰了茶筵

武林舊事小說曰雄辯社都城紀勝說語有四家一小說謂之銀字兒翟晴江上元俳優詩演書宗黑子注宋藝流供奉有李黑子善演史善平王西樵贈韓生詩謔語縱橫許入詩注生話

鬪牌

姚思璋

小拍檀心匣雙雙卸玉蟲鋒如爭楚漢味勝劈蓮蓬

楚漢爭鋒劈破蓮蓬皆骨牌名也四座分頭出三才入掌中陰謀吾

不取裨闔讓人工

周心羅牙牌詩滑笏勻裁徑寸工雷紋翦翦素肌豐頻摩乍可銷金約小拍微憐卸玉蟲襲如羅綿加敷貼砌檀心匣較間通六時暫借娛清暇誰信陰謀裨闔功

新年雜詠

空

陞官圖

孫溥

兒嬉胡遠到彩選戲盤圖畫凌煙似聲名入手看腰閒白羽箭頭上進賢冠將相原如此形求洵匪難

吳孟舉春日雜詠戲翻彩選區榮辱白香山詩紅袖拂殿盤

陞仙圖

蔣元龍

字雲柳一字春雨又號嶼山樵者秀水人

漫說蓬萊遠披圖小有天偶然事游戲便已號神仙名隸三山籍功深一指彈丹成凡九轉散手讓誰先

百花圖

倪經培

曾讀羣芳譜花名載略同有香兼有色經雨又經風  
約我探春信憑誰奪化工不妨從著袂結習未全空

狀元籌

翁承高

字誦芬一字柳湖錢唐人

爭利遂爭名持籌座卽盈先登防見奪緩取爲圖成

五盞憑誰賜雙花合便迎狀頭眞唾手不解老經生

武林舊事集英殿唱進士名狀元賜酒五盞餘人泡飯朝野類要聞喜宴日選年少二人先迎狀元吟詩

倪經培

新年雜詠

癸

小試掄魁手拈來緋色新不同才出眾全局屬何人

著意偏輸巧虛名竟逼眞一門連及第滿眼杏花春

程瑄

元鏡明彩局高會樂羣仙竹策題名早春風及第先

奪標憑妙手得意在青錢此日瓊筵坐何人最少年

